

Lé d'Amont, su lè Mont

Autor(en): **Millioud, Ida**

Objektyp: **Article**

Zeitschrift: **Le nouveau conteur vaudois et romand**

Band (Jahr): **85 (1958)**

Heft 1

PDF erstellt am: **26.09.2024**

Persistenter Link: <https://doi.org/10.5169/seals-230719>

Nutzungsbedingungen

Die ETH-Bibliothek ist Anbieterin der digitalisierten Zeitschriften. Sie besitzt keine Urheberrechte an den Inhalten der Zeitschriften. Die Rechte liegen in der Regel bei den Herausgebern. Die auf der Plattform e-periodica veröffentlichten Dokumente stehen für nicht-kommerzielle Zwecke in Lehre und Forschung sowie für die private Nutzung frei zur Verfügung. Einzelne Dateien oder Ausdrucke aus diesem Angebot können zusammen mit diesen Nutzungsbedingungen und den korrekten Herkunftsbezeichnungen weitergegeben werden. Das Veröffentlichen von Bildern in Print- und Online-Publikationen ist nur mit vorheriger Genehmigung der Rechteinhaber erlaubt. Die systematische Speicherung von Teilen des elektronischen Angebots auf anderen Servern bedarf ebenfalls des schriftlichen Einverständnisses der Rechteinhaber.

Haftungsausschluss

Alle Angaben erfolgen ohne Gewähr für Vollständigkeit oder Richtigkeit. Es wird keine Haftung übernommen für Schäden durch die Verwendung von Informationen aus diesem Online-Angebot oder durch das Fehlen von Informationen. Dies gilt auch für Inhalte Dritter, die über dieses Angebot zugänglich sind.

bounheu, Adrien dè la Montâ, que l'étâi lou pllie gran et que s'étâi dés-habellî, sè cûtsè à plliat veintrou io n'îrè pas prévon, l'attrapè lè man que saillessant dè l'îdie et tîrè frou nou-tron Henri, que va sè chetâ âo sélâo ein risein, sein chondzi à la poâire que no z'avai fé. Ma y'avé bin cru qu'Henri dè la Pousta l'îrè fotu !

L'ai a pas lien dè septante an dè cein et l'ai chondzivou plliequa ; su adî dè ci mondou, ma du l'an passâ y'ouiou quan ye vu Julien racontâ : Henri dè la Pousta l'è fotu ! *H. J.*

Lé d'Amont, su lè Mont

C'èin sè passâ, l'èin a dza quauquè z'an, à Motto-Bartola, cly payî tant biau, yau l'èin avâi on n'écoula dè dzouveno sordâ. Lo foyé, lè d'Amont étâi tenia per dè Vaudois qu'ant étâ ébâilli d'oûrè, au premi coup dè canon, tot dégringola ein premire vitesse et tot treimbria per l'otto. Mâ clliau bravè dzein ne sè sant pas laissi sur-preindre doû yadzo.

Dein cllia montagne, l'èin avâi assebin on bourriquo et on n'a vatse que broûtavant tot pri dè cllia maison dè sordâ. La dama qu'amâve lè bîtè, leu baillivè ti lè dzor, on bocon dè pan et dè la sau. On demindzo, dè grand matin nô z'épaux sant reveilli per on tintamarra dè la metsance. Lo bourriquo étâi dza que, impacheint, que tsampavè sein arrêt, on banc, contrè lè lan dè cly foyé, por avâi son pan. Ora, dite-mè se les z'âno sant se bîtè ?...

On outro yadzo, lè la vatse qu'a monta lè z'égrâ tein t'iau carnotset, qu'on l'ai de timbou ; impossibllio dè la feirè sailli dè cllia prison. Mâ lè z'artilleu sant coradzo et compleiseint et tot dè drâ sant arrouvâ au seccoo, por montra à cllia vatse, que la maison dè sordâ, n'est pas on n'étrabia et en ant bin rizu. *Ida Millioud.*

Le gros Frantzou et Frèdéri y Comptoi... !

(Patois des montagnes d'Ollon)

D'euton passâ, lai ya zu pè Lozena n'a grant-esposition que l'ai diant : Lo Comptoi ! On l'ai treuvé dè tote sorte dè machines : dy tzerriës, dy faucheuses, dy radios, dy potagers et on moué d'autres beugrèris.

Le gros Frantzou et sa fenna âvont décidâ de l'ai y'allâ.

Frantzou âvè idée de n'a faucheuse à moteur et sa Marianne piârnavè dy ya dza granteimps po avai yena dè ce novalles machines à fêre la boueya.

Pè le mâi de sétembre la Marianne est veneuta tota cassâye ; l'étâi plheinna dè douleur dy le cotzon tanque bas pè le raté et dévai teni n'a crossetta po sè treinnâ pè l'othau.

Frantzou a bé zu la frictionnâ avoué de brantevin dè li, la Marianne n'a pas pu allâ y Comptoi.

On bé matin, Frantzou a diû emmodâ tot solet po Lozena. Ein arreveint, l'a volu allâ à la « Cáva vaudoise » baire on hierre dévant dè vesitâ cé Comptoi : mé qau a-te-trovâ ?...

Le grand Frèdéri dè pè Velâ-Bozon que ne s'étaivont jamé réhius dy que l'avont passâ l'écoula pè Savatan, dein lou z'artilleurs. Et l'a failhû baire on hierre einfeimblhe, distiutâ de service militère, d'artilliéri, dy canons que l'avont de villhio teimps et dè ceux d'ora que ne vâlont pas pipetta... et, po feni, l'ont passâ tot le dzo à la « Cáva vaudoise » tanque lous gendarmes sont veneu bouêlâ : « Messieurs, c'est l'heure ! » et n'avont pas yû le Comptoi.

L'ont juste zû le teimps dè seutâ sù le derrai train po tornâ à l'othau.

Mé cein ne pouâvè pas feni dinse... Pas yû lo Comptoi !...